


Hilmar Kaldestad  
Elvenesvegen 8 C  
5223 Nesttun

Dato: 25.10.2017  
Vår ref.: 2016/34887-7  
Saksbehandlar: monsera  
Dykkar ref.:

## Grunneigarvarsel om arkeologisk registrering med gravemaskin - detaljreguleringsplan for Fv 48 Skånevik-Flesjo - Etne kommune

Vi viser til brev om oppstart av detaljregulering for Fv 48 Skånevik-Flesjo i Etne kommune datert 12.12.2016. I samband med planarbeidet er det naudsynt å gjennomføre arkeologisk registrering i planområdet, jf. § 9 i kulturminnelova. Det er Statens Vegvesen og Etne kommune som er tiltakshavarar og Multiconsult som er planleggar, men arbeidet vil verte utført av Fylkeskonservatoren i Hordaland fylkeskommune som regionalt kulturminnemynde.

Målet med registreringa er å få kartlagt om der er automatisk freda kulturminne som til no ikkje er kjende i planområdet. Arkeologar frå Hordaland fylkeskommune vil gjennomføre undersøkingar på delar av gnr. 125, bnr. 1 (sjå kart under) i perioden 07.11.-10.11.2017.



Registreringa vert utført med maskinell flateavdekking i sjakter på om lag 3 meter breidd. Lengde, djupne og mellomrommet mellom dei kan vere ulik, avhengig av topografi og funnsituasjon. Lengde på sjaktene kan variere frå om lag 10 meter eller mindre og opptil 50-60 meter eller meir. Matjorda og eventuell annan overdekkande masse vert fjerna maskinelt ned til undergrunnen, og djupna på dei einiskilde sjaktene er avhengig av kor mykje masse som må fjernast. I areal med skrinnt matjord (20-25 cm) er det tilstrekkeleg å fjerne denne, medan i areal med påfylte massar, rasmassar, o.l. kan det vere naudsynt å fjerne opptil 3-4 meter masse i djupna. Kor tett sjaktene ligg vil variere med lokal topografi, funnsituasjon og undergrunn, men det er vanleg med avstand mellom sjaktene på 8 til 15 meter.

All jordmasse skal førast tilbake i sjaktene etter at naudsynt dokumentasjon er utført. Så langt det er praktisk mogeleg vert attfylling utført fortløpande, der djupe sjakter vert prioritert. Matjord som er fjerna i sjaktene vert ført tilbake, men areal som er grave opp vert ikkje sådd på nytt. Tiltakshavarar, Statens vegvesen og Etne kommune, er erstatningspliktig for eventuelle avlingstap eller ulemper som følgje av undersøkingane.

Dersom areal vert pakta bort, eller det er andre brukarar av arealet som vert råka av undersøkingane våre, ber vi om at grunneigar orienterer desse. I enkelte områder kan det verte aktuelt å opne opp gjerder for å skaffe tilgang til område med maskin. Før gjennomføring av maskinelle undersøkingar vil fylkeskommunen innhente opplysningar om nedgravne kablar, røyr og grøfter i dei aktuelle areala frå Etne kommune og andre eigarar av slike anlegg. Dersom du har kjennskap til nedgravne kablar, røyr og grøfter på din eigendom ber vi deg om å ta kontakt med oss, slik at vi kan legge undersøkingane utanom desse.

Ved spørsmål eller merknader til ovannemnde, er ein velkommen til å ta kontakt med Hordaland fylkeskommune, Fylkeskonservatoren v/ sakshandsamar Tore Slinning, tlf. 55 23 91 72, e-post [Tore.Slinning@hfk.no](mailto:Tore.Slinning@hfk.no) eller feltkoordinator Monika Serafinska, tlf. 55 23 91 80, e-post [Monika.Serafinska@hfk.no](mailto:Monika.Serafinska@hfk.no).

David J. Aasen Sandved  
kst. fylkeskonservator

Monika Cecylia Serafinska  
spesialrådgjevar

*Brevet er godkjent elektronisk og har derfor inga underskrift.*

Kopi til:

STATENS VEGVESEN - Region vest  
Etne kommune